 V B X 3 C UNIVERSITATIS CRACOVIAE	14269	
	III	Mag. St. Dr. P

*Bartochowski Adalb. Sedus infulationum*

PANEG. et VITAE  
 Polon. Fol.  
 № 311.



Biblioteka Jagiellońska



stdr0002103



S I D V S  
I N F U L A T U M

*D. D. K. S. Seu*

*ORF*

PERILLVSTRIS ET REVERENDISSIMI DOMINI

D. IGNATII GNINSKI

DIVINA VOCATIONE ABBATIS CORONAVIENSIS

GENTILITIUS DRACO

SPLENDIDISSIMÆ ORIGINIS SVORVMQVE MERITORVM  
LVCE CONSPICVVS,

Inter prima Cistertiensis Cæli Sidera

*A*

*P. Adalberto Bartochovski*

è SOCIETATE IESV


*142627*

*In primo sua Infula aditu*

Panegyrica penna relatus.

Anno nati in terra Sideris.

M. DC. LXXX. VI.



POSNANIÆ,

Typis Regiis

Collegii Posnaniensis Soc: Iesu.

*Reverendo Magro Janu*

*L. J. V.*

*Auctor M.*



# ARMA GENTILITIA.

## DRACO.

*Et Iovis ante fores, & Nostri Præsulis ante  
Limina, sidereus, statq̃, caditq̃, DRACO.  
Nocte Iovi servit, Tibi fundit lumina mane,  
Alternum obsequium cum Iove Præsul habes.*

BIBLIOTH. UNIV.



UNIVERSITATIS

## TERNA FLVMINA.

*Flumine non uno sudant Tua Stemmata. Tanta,  
Vno non poterat flumine, GAZA uehi.*



4. PROLVSION DEDICATORIA.

**N**omen ex Supremo Elemento,  
Stemma ex celo ducis. Abbas Re-  
verendissime. In tantâ tamen  
luce non potes indignari, quod atrati  
præli tenebras in Tuam producam ve-  
nerationem. Ipsas etiam noctes amant \*  
Astra, quæ Tuo Stemmati influxerunt.  
Ita deinde omnem in publico lucem ex- \*  
haustit Eloquentia Tua, ut nihil iam Ti-  
bi offerri possit, præter umbras. Immo,  
quidquid de Te, humani fundant cala-  
mi, vix etiam umbræ titulum meretur,  
si tuorum subeat comparisonem meri-  
torum. Expressi tamen obscura hac a-  
tramenti nocte, quod ita venire ad Te  
A. uelim, ut nulli luci spatium præripi-  
am, pertingam tamen. Nihil enim um- \*  
bris humilior, nihil, quod minus poscat  
spatii, nihil, quod melius cum primæ  
magnitudinis astris conveniat. Alia co-  
natibus nostris ad tantæ lucis incremen-  
ta via non patebat. Maxima scripto-  
rum  
A



rum veneratio est, si eorum, quos colunt, Nomina sideribus admoveant; Ego, præter hanc aliquot literarum umbram, quo Te efferam, non habeo Antistes. Dignissime, postquam ipsa sidera, in Ceras Tuas defluerunt, neque Tibi  
\* servire erubescunt. Vnum nimirum Tibi munus offero, audeo dicere, pulcherrimum, munus, quod ætates singulæ uix ferre consueverunt, munus, quod ad æternitatem Famæ Tuæ conspiravit: Virtutum scilicet Tuarum Imaginem, rudi calamo adumbratam: ut appareat orbi, quantum ab Oratorum coloribus laus Tua distet. Audax hominis consilium foret, lumen aliquod velle addere tantæ luci. Nullus Apelles eum adiecit soli radium, quo, clarius radiaret in tabulâ, quam in cælo. Absolvit ergo omni metu tam humilem calamum, quod in Templum Sacrorum Tuorum operum se inferat. Ingens illum aura famæ  
\* Tuæ huc pepulit. \* Licuit olim uolucris  
bus



bus ad Delubrum Apollinis convolantibus, cum non haberent, quod offerrent; plumas, quibus se quomodocunque efferre poterant, ultro sibi detraxisse, & inter grandes aliorum victimas, loco tributis, in Arâ maiori reliquisse: non ingratum DEO illi munus, eo, quod id suo impendi videret cultui, quod Aliis supremum fuit. Tu Antistes Reverendissime Numen quoddam mihi es, quia Tibi sidera famulantur; religiosa vero Professio mea, postquam me omnibus exuit, unam hanc mihi pennam, reliquit, quam Venerationi Tuae dedicarem. Grandiora, nihil ambigo, cultui Tuo dona impendent alii, augustioraque; non gratiora. Tuis enim sudoribus imbui, Tuis tinxi Virtutibus levem conscientiam sua calamum, ne illo plenus colore posset displicere, quo uno nihil carius habuisti. Sunt & alii tituli, quibus hunc qualem cunque conatum meum Honori Tuo debeo: probata nimirum illa  
per



per tot subsellia in Societatem propensio,  
quâ ita se in nostram felicitatem exten-  
debat, ut ideo nomina quoque IGNATII  
sumpsisse videreris, ne in subitis ardu-  
isque Reipublicæ Nostræ negotiis Pa-  
trem nobis unquam defuisse quereremur.  
Taceo domesticos favores, quibus, me,  
meosque non desinis quotidie cumulare.  
Sufficit enim indicasse, ne ingratum cre-  
das. Sed iniuriam facio Benevolentiae  
Tuae, quod tot causas afferam tam debi-  
tæ venerationis. Hæc est summa ratio,  
cur in tanta Consecrationis Tuae celebri-  
tate, tam vile munus offerre audeam,  
quod etiam in Ter Optimi Maximi Nu-  
minis Aris, non semper Rosas liliaque,  
sed agrestia quoque ligustra, imo &  
absynthium quandoque poni conspexe-  
rim. Admittes proinde Tu quoque pri-  
mam hanc Victimam, ad sacram Tuæ  
Potestatis Aram, vel si Aram non  
meretur, admitte proyci ad  
plantas cum Auctore.





Ebebatur Supremus hic  
emeritæ Virtuti Tuæ Honor, ut  
quidquid Tuum est, inter Sidera  
censeretur; postquam Gentilitius  
DRACO Tuus, jam olim quan-  
tumvis à barbara Religione, inter Astra relatus est.  
Erectos ergo jam hodie ad Tua Sidera vultus illos  
tollimus, quos tam longa expectatio, ne dicam de-  
speratio, pænè humi depresserat. Annus jam non  
unus supra decimum voluebatur, & adhuc innocen-  
tissima modestia Tua expectationem nostram vul-  
nerabat ANTISTITVM DESIDERATISSIME. Iam  
exhausta erant omnium vota, jam supplices Tibi ca-  
lami aruerant, jam propè in solitudinem Abbatia-  
lis ædes abierat, hoc est, extra se, quia extra Te.  
Quoties illam afflabant Zephyri, exhibilare vota no-  
stra videbantur. Oriebantur nobis Sidera, sed ut  
viderent spes nostras, non recrearent; Occidebant  
soles, ut imaginem nobis Tuæ adumbrarent absen-  
tiæ; iterum, iterumque redibant, ut desiderium Tui  
accenderent, non exstinguerent; clariusque appare-  
ret, quem, quantumque optaremus. Iacebat inter  
ferales exuvias Insula sine honore, quia sine fronte,  
sine maiestate, quia sine Tuo vultu; Eo infelicio-  
r, quod nesciret, cui capiti, cui menti tam diu servare-  
tur. Stabat Scipio Pontificius, quâdam admiratio-  
ne defixus, quod non esset manus, quam impleret,  
præter Tuam. Imminetia Coronaviensibus iu-  
ga montium, quamdiu Tuum prospectabant ad-  
ventum, tam diu cervicibus nostris novæ calamita-  
tis onus minabantur. Domesticus qui nos alias re-

Abbas ex-  
tra Insulâ  
Annis pro-  
pè duode-  
cim.



creare solebat Fluvius, nescio quid triste murmura-  
bat, lacrymanti, & sub gravissimæ expectationis tæ-  
dio sudanti simillimus. Ipsi Præfuleæ Domus pa-  
rietes, quasi orbitatem suam intelligerent, exuti Do-  
mino, cultum quoque omnem exuerant. Antiquo  
ritu, in pulvere agebant pœnitentiam, ut Te quam-  
primum mererentur. Apertis diu anhela portis  
tectâ quodammodo nobis exprobrabant, quoties  
sine Te Abbatiale limen intraremus. \*Requireba-  
mus ergo Te oculis, in ædibus illis, quas pridem Tui  
desiderio impleveras. Prius enim omnium animos  
occupaveras, quàm ædes. \*Nam ita ingredi primò  
voluisti, ne vel ipsi quoq; telluri gravis esses. Quan-  
quam sicut annulo gemma, Sol & astra cœlo, telluri  
aurum, ita pretiosus Antistes Solio non est oneri.  
Et jam quidem tum palam erat omnibus, quis quan-  
tusque esses, cùm absentem quoque, ita intimè nobis  
adesse sentiremus; non integra tamen illa fuit bea-  
tudo, quæ peccare nos cogebat. Nimirum ocu-  
li invidebant animo, quem tenebas, animus oculis  
insultabat, à quibus tam procul aberas, quàm ab  
ambitione dominandi. Nunquam de cœlo nisi  
tanquam de infenso, & ultionem quandam de no-  
bis sumente cogitavimus; Immo parùm interdum  
aberat, ne pauciores Tibi Virtutes voveremus; ut  
minus delinquerent, qui illas tam serò in Te coro-  
nabant. Omnium ad Te collimabat consensus, Te  
omnium voces, Te omnium designabant suspiria, Te  
ad Aras, defluentibus in lacrymas ceris, omnes po-  
scebant, Te palam declamabant Antistitem, omni-  
um calamis ABBAS CORONUVIENSIS scribebaris,  
desiderabaris ab omnibus, à paucis tamen speraba-  
ris. Arduum enim fuit credere, quod tanto interval-  
lò fru-



lo frustra optavimus, id Superos huic diei reservasse.  
Non quòd Tibi paria majoribus etiam Infulis, de-  
essent merita, sed desperare nos faciebat modestia  
Tua: Scilicet, ita totos in alienas Virtutes oculos  
convertisti, ut Tuas non videas. Votis ergo quan-  
tumvis ardentibus, triste successerat silentium, pu-  
debatque adire iterum cœlum, ut infelici huic sæcu-  
lo, tantum beneficium, Infulæ, tantum decus & lu-  
men peteremus. Dubitabamus enim, an jam cum  
Superis liceret, ea de re loqui, quam ita diu negâ-  
runt. Sed illuxit tandem hodie nobis candidiore,  
Sole Dies, Dies, primis Iulij Cæsaris Idibus amœni-  
or, Dies, Ianuariis Titi, Decembribus Nervæ, No-  
vembribus Adriani, Aprilibus Antonini, Februari-  
is Constantini Calendis, illustrior, quia sanctior,  
Dies, quâ Coronaviensibus Infulis omni gemmâ si-  
dereque serenius illuxisti. Distulisti quidem nobis  
gaudia, ABBAS REVERENDISSIME, sed damus veni-  
am tenerrimæ modestiæ Tuæ, quæ tot simul tanta-  
que cœli munera ocyùs ferre non poterat. \* Quod \*  
inane est, facile volvitur; Vacuum fertur facile:  
Quidquid leve momento attollitur: Plena & gravia,  
expectare expectariq; debent. Lento Tu quo-  
que passu ad fastigium Coronaviensis Infulæ ivisti,  
ut constaret, quàm pleno meritorum gradu, huc  
perveneris. \* Festinare non poterât tanta maturi-  
tas Virtutum. \* Cymba levis ciciùs portum tenet,  
quam Oneraria, altiùs pluma evolat, quàm gemma,  
ad Apennini culmen facilius extuleris arundinem,  
quàm Colossum: ut se moveat, plus poscit spatii  
Leo, quàm formica: facile fungus in lucem pro-  
vehitur, sed non pomum, quantumvis aureum:  
serius oriuntur Soles, quàm Scintilla: prius igno-  
bilis



bilis herba surgit quàm Palma. Terrarum Principatum prius adiit Nero, quàm Trajanus. Ad metam, quem non præveniet Fraudulentus? Quis nescit expeditiorem ad Fasces viam esse Vitio, quàm Virtuti? Quàm paucos in Solijs hodie adoramus Iustos, Magnos, Pudicos? Et tamen nihil pudori viciniùs quàm Purpura. Quanquam ingens Pudorem inter & Verecundiam discrimen est; hunc Scelestissimis quibusque adesse vidimus, hanc solis innocentibus, qui etsi non habeant quod erubescant, habent tamen Verecundiæ causam, Innocentiam. \* Vicit verecundiam Tuam Felicitas Nostra, latere non potes, palam sunt Elogia Tua. REVERENDISSIME DOMINE. \* Multorum humeris utatur necesse est, qui fessus annis curisq[ue] publicis, altiùs jugum culmenque superare contendit. \* Tu humanis nihil favoribus, gratijs nihil, (quia hæ tam diu non exspectantur) totum Tuis debes meritis Virtutiq[ue]. Et hoc demum est, illi habere gratias, cui omnes debent. \* Propè erant suffragia, quæ Te ad hoc fastigium promoverent; Erant Gentilitij DRACONES, qui Te Primis Poloni Coeli sideribus inferebant, erant AVITA FLVMINA, quibus ad altissimos quosvis portus venire poteras, erant Astra domestica, quæ viam dabant. Fuit Illustrissimus AVVNCVLVS Tuus, Mens Regum, Senatùs Oraculum, Regi PRO-CANCELLARIVS, qui Te illis, quas Ceris imprimebat, Aquilis extulisset, Si hanc injuriam Primis Regni Subsellijs paria merita Tua permisissent. \* Cerata enim penna Dædalum, alieni calami Fabulam, vel Corniculam Horatianam dare possunt, non Abbatem, non Antistitem, qui in exemplum eat, vel admirationem Posteror.

*Splendor  
Familie.*



sterorum. Procul, procul à communi viâ ivit  
Virtus Tua, ne vulgari vestigio, etiam locum daret.  
Rogabamus vero pro Te Infulam, quam Virtus po-  
terat imperare: ut Principes, Numinis loco, nos ha-  
bere fateremur, quod, ideo sæpè negat, ut roge-  
tur. Non æstimabant Virtutes Tuas superi, si  
primis precibus nostris Te dedissent. Quod facile  
conceditur, pretium non meretur. Nullum auro  
pondus argentoque inesse crederemus, nullum gem-  
mis daremus honorem, nullam haberemus reveren-  
tiam sideribus, si inter faciles herbas legi possent.  
Quantum hucusque risum sæculo movent illa ævi  
sui Numina, quæ inter Cæpas & olera nascebantur;  
ut non nemo exclamârit.

*Felices populos, quibus hæc nascuntur in hortis*

*Numina?*

Tu quantus nobis occurris? quove pretio sis  
aut loco PRÆSVL DIGNISSIME, qui tot con-  
stas Votis, totque Annis quæri debuisti, quasi non  
inter homines, sed inter Astra habitares. Par erat,  
ut ANTECESSORES Tui se excusarent, si tan-  
tum sperâssent Successorem. Ideo tamen illorum  
Infulis verticem submisisti, PRÆSVLVM MO-  
DESTISSIME, ut vel hoc ipso majores redderes,  
quod Te Successorem habeant. Sidus ergo sit ne-  
cesse est, quod ipsas etiam Vmbras illustres facit,  
Phænix, qui cineres attollit, IGNATIVS, qui fa-  
villam quoque irradiat.

Sed neque inerudita est virtus Tua PRÆSVL *Palæstra*  
*Literaria.*  
DOCTISSIME. Nam Pueritiam Tuam MA-  
IOR POLONIA, Prussiaque, Adolescentiam,  
ipsum Regni caput, erudit CRACOVIA: Ut  
vel primâ disceremus ex arenâ, quanta illa essent

C

inge-



ingenij Tui vestigia, quibus ponendis, amplissima Regni theatra superi destinârunt. Fabula olim fuit, fortio-rem ex pulvere Antæum surrexisse majoremque; at, Te, quantum nobis literaria reddiderit arena, geminæ, quas Romæ sub CLEMENTE IX. post eruditi triennium studij retulisti, loquantur Laureæ. Non in Nomina enim, non in titulos DOCTORIS VTRIVSQUE IVRIS, sed in solidæ possessionem Sapientiæ incumbebas. Non lentum Tibi neque præceps fuit ingenium, cauta, non astuta Prudentia, jungebas plura uno die studia, non confundebas, una curâ consecrabas aliam: à singulis horis aliquam eruditionem exigebas, ut illam Tuæ immortalitate donares memoriæ. Eripiebas avaro tempori posthumam Scriptorum gloriam, quoties eruditos illorum partus in variam ituros famam, Tui capitis donabas colligebasque hospitio. Nullus tamen inde redundabat unquam in sermone Tuo fastus, non vocabas ad numerum, Auctorum, quos evolveras nomina, non ostentabas Romanas gemini Doctoris Laureas, non jactabas Annulos, quorum Tu ipse Gemma fuisti præcipua. Ex tantæ dignitatis munere, nihil ad Te credebas pertinere, præter exemplum Virtutis insolitæ. Quoties disputabas, errores infectabaris, non errantes, rudes æmulos composito sermone emendabas, non averso plectebas supercilio. Animos admiratione, non aures ventosis implebas clamoribus. Quod Clementi suo vovebat Plinius: *Sequebatur Te attentus ac pendens Auditor, & persuaderi sibi, etiam postquam persuaseras, cupiebat.* Ita dulce fuit singulis à Te vinci, ut inviti etiam, in Tuam ivissent sententiam, si vel unum tunc Roma habuisset invitum. Occursum.



cursum tamen Tuum reverebantur omnes, non formidabant. Tantâ omnes comitate, humanitateque coluisti, ut nullus à Tuo conspectu se reciperet, nisi gravissima monerent negotia, quæ pudebat fateri abeuntes, eò, quod curis omnibus major esses, neque Te res magnæ adæquarent, nec multæ totum occuparent: quasi ad absolvenda omnia, tempore, (quod solius Divinitatis privilegium est) non egeres. Nunquam instruebas epulas, ut aliquid persuaderes; tanta suavitate sermonem condiebas, ut omnium mensarum gustum superaret. In publico verò confessu, cum alij speciosâ scientiæ vanitate tumidi narrarent: quot remiges Vlysses habuisset, quot centuriones Alexander? quot Darius signa? priorne lucem vidisset Odyssæa quam Ilias? quot Curius Dentatus in triumpho duxerit elephantos? quis Romanos primus docuerit navigare? quot annulos detraxit Nobilibus Annibal? Tu consultivus tunc ducebas otiosi, quam ea quoque dicere, quibus curiosior, quàm doctior videreris. In verbis tanta fuit ubique dignitas, tanta in fronte oculisque majestas, Religio tanta, ut locum <sup>in</sup> non Aras mutasse videreris, quoties conclave repetebas. Quamdiu literis insudasti, ita vixisti frugaliter, ita ab epulis recedebas, ita festinabas ad Codices, ne plus aliquando temporis, quàm cibi consumeres. Partes ergo Antistitis, procul ante implevisti REVERENDISSIME DOMINE, quàm esses ABBAS. Non minora enim requirit decora Sacra hæc Dignitas, nec majora optare potest, quàm Tu illi detulisti. Vera Polonæ Aquilæ soboles externos illustrasti soles, vidistique: num etiam Tyberis habeat, quod flere possit. Raro exemplo Trium Pon-

Romana  
Celebri-  
tates.



rificum funera, electiones, inaugurationesque aspexisti; ut disceres quomodo Sanctissimi moriantur, quanto studio, quantaque sollicitudine quaeri debeant inter homines, quantâ religione submittant verticem, non tam Infulis, quàm curis universi. Forte enim poterat invenire causam excusationis ingeniosa modestia Tua, si non vidisset, cum Summa Sanctimoniâ, Pontificum Tiaram stare posse, fulcirique Sacro Scipione, etiam pedes inoffensos. Intelleximus, quàm facilem Tibi reddideris absolutissimam in terris Sanctitatem, quæ Te non tantum ad Beatam suam Visionem, sed ad intima quoque oscula admisit toties. Quanta in vultu Tuo lego integerrimæ vestigia Sanctitatis, cujus pedibus, repetitis vicibus labra admovisti, ut tota colligeres. Quæ Ordini Religiosissimo? quæ nobis? quæ posteris dabis? immo quæ non dabis? exempla virtutum, quarum passibus ita intimè studuisti. Certè, si victorum olim quorundam pes triumphalis, quidquid tetigerat, Lauruserat; in quam non effloresces gloriam ANTISTITVM FLORENTISSIME, postquam tot Pontificum plantis caput submisisti? Quis in Tuam olim recusabit ire sententiam? in cujus ora labraque, Prima orbis Capita manibus pedibusque iverunt toties, quoties Te suarum manuum pedumque osculis admovebant. Rosis quondam lilijsqne palatum imbuebant Græci Romanique Oratores, humanis auribus blandituris Diviniora locuturum os Tuum, sanctiore initiasti antidoto. Quidni Tibi cordi sit omnis probitas? qui, Maximæ in Terris Sanctitatis gustum, ipsis labris toties percepisti. Si mutum alias, (teste Pausania in Atticis) dulcè resonabat saxum, in quo



quo Apollo, nescio quid Megarensium Regi locuturus, Cytharam semel posuerat. Quàm gratas dabit populis voces Eloquentia Tua? in cuius Ore, suam Vicaria Numina, positione pedum designavere stationem. Si aures in pedibus habent Principes, quæ ergo illis non persuasisti? quæ non obtinuisti? cùm Te tam profunde toties illis inclinares, quasi arcanum quid, ad aurem locuturus. Satis est: à pedum osculis, ad ea suæ Sanctitatis venisti alloquia, quibus PROTHONOTARIUS APOSTOLICUS ab ALEXANDRO VII. à CLEMENTE IX, LAVREATVS IVRIS VTRIVSQUE DOCTOR, ab INNOCENTIO XI. PRÆLATVS DOMESTICVS, & VTRIVSQUE SIGNATURÆ REFERENDARIUS in Vrbe, renuntiari meruisti, ut omni suspitione carerent Tituli, qui à Tanta deferebantur Sanctitate. Si igitur longiùs morari licuisset, post Conclave domesticum, Cor etiam Pontificis adiisses, tenuissesque. Inde quid Te expectabat, non arduum mihi concludere, nisi verecundia vetaret Tua. Satis est, quod Primo affatu TOGAS ROMANAS vulgò Rokietas Basilicæ Posnaniensi Cathedrali impetrasti, Secundo, BREVE Apostolicum Religiosissimæ Divi PHILIPPI NEREI CONGREGATIONI pro Solennibus Comitijs in SACRO MONTE VIRGINIS AVGVSTISSIMÆ celebrandis, sine mora obtinuisti, ut non tam impetrasse, quàm imperasse videreris. Ita enim loquebaris, ut BEATISSIMI quoque haberent, quod illis deesset, nimirum excusatio. Immo etiam parum aberat, ne innuerent ut plura rogare velles. Petijsti Sacra Divi PHILIPPI Lipsana,

D

rectu-



retulisti potiore[m] illorum partem; Nam ut PRIMVM in terris CAPVT non decebat humilius tibi offerre munus; ita Te pudebat minus admittere. Habet igitur Tibi gratias ABBAS REVERENDISSIME, MONS ille SANCTVS, quem addito tam nobili deposito fecisti Sanctiorem. Ferret grati animi memoriam, & Divus hic Italiae Apostolus, quem tam sublimi donasti fastigio, ut extinctus altius emineret, qui vivus ita latuerat. Eriget se Sanctum illud Culmen, tanto à Te auctum munere, monebitque semper Divum, ut Te ex alto, in quo illum posuisti, respiciat. Neque locum excusationi dabit, si Te non videat, illasque, quas pridem mereris Insulas, Tuis Virtutibus, & nostrae felicitati, non provideat. Non sine arcano factorum Comitio Roma Te hospitem habuit, cum Divi, Divaeque, hoc est PETRVS de ALCANTARA, ROSA di PER V, MAGDALENA de PAZZIS, solenni Apotheosi donarentur. Nimirum, ut palam iam tum foret omnibus, quam non longe à Sanctorum coetu religioneque abfueris. Nisi Te ad hæc usque tempora, nostrae Insulae, superi servare voluissent, securum coeli, quod, gemmis patet. Mavis interea, ipse sacra reddere, quam accipere, colereque superos ipse, quam inter Superos adorari. Erit, erit beatissimum illud ævum, quod Te plenum meritis, eò reducet, unde Tibi amica fidera, in avitas Ceras defluxerunt: ut etiam absens, à coelo non distares, Trium Poloniae Regum, CASIMIRI SECVNDI, MICHAELIS PRIMI, IOANNIS TERTII, ad prodigium hodie regnantis, SECRETARIVS, toties COMMISSARIVS, toties Iudiciorum subsellij Regij ASSESSOR, toties



ties ad Palatinatus Majoris Poloniæ ABLEGA-  
TVS, imposito munere ita feliciter fungebaris, ut  
sæpe, prius omnia quam exposueris, obtineres. Re-  
dibas ad Principes, quasi nunquam ab illis abfuisses,  
quorum mentem, ita ubique cordi habuisti, atq; illi.

Sol ipse diu luctatur cum nubibus, ut erum-  
pat, ex umbris, diu nox astra tenet, gemmas diu con-  
chæ claudunt, spinæ rosas prohibent, ne se ultra  
effferant, aurum argentumque integri montes te-  
gunt, non tam ut illud malleis, ignibusque submo-  
ant, quam ne in oculos, lucemque exeat. Ad Te,

lux ipsa penetrabat: invidiamque Sanctissimis eti-  
am movebas Dignitatibus. Erat qui Titulorum  
contentionem de Te exaudiret, Vnus honor præri-  
piebat Te alteri, an se ultro ipse quasi minor Tuis  
meritis subtrahebat. Vix OSIECENSIS, MO-

*Gradus  
Honorum.*

DRENSISQVE PRÆPOSITVRÆ fastigium  
adijsti, jam à Majoris Poloniæ Cathedrali Basilicæ  
CANONICVS poscebaris. Suscepisti ne pluris

Tuum de Te facere videreris Iudicium, quam alie-  
num. ARCHIDIACONVS SREMENSIS, hoc  
est, Prælatus in eadem Cathedra, ita Te omnibus sub-  
mittebas, ut Te præesse non meminisses, nisi publi-  
ca palam narraret Veneratio. Ducentarum ultra

sexaginta Ecclesiarum VISITATOR GVBER-  
NATORQVE; mirum erat, quomodo ad mini-  
mos quoque errores adverteris, quos nunquam no-  
veras. Cum emendanda deprehenderes, sæpe præ

verecundia, non omnia reis adferebas, ut viderent  
quod Te plus puderet ea dicere, quam illos agere;  
discerentque: ipsam eorum quæ fecissent memori-  
am quoddam crimen esse. Ita tamen moribus Tu-  
is, & exemplo damnabas delinquentes, ut adverte-

*Prudentia  
singularis*



rent Te illorum innocentiam desiderasse, non supplicium. Coram Tribunali Tuo non antiquam fiduciam, sed pristinos mores, non famam, non pretium, sed vitia deponebant. Supremam, quam pronuntiabas in errata, non in Personas, sententiam, non aliter, quam si auro scripta foret, æstimabant. Miscebas Patronum Iudici, ut causam eo meliorem faceres, quo deteriore accepas. Inde ad tribunal Tuum, rei, non tanquam ad equuleum trahebantur, sed sponte, tanquam ægri ad Medicum, properabant. Interdum verò, ceu prudens Sessor, indomitis & non admittentibus frenum Equis, vel ceu Pater, amaram respicientibus, portionem filijs, jamque cum ultimo morbo colluctantibus, labra quibus regustanda erat, melle quodam tingebas, imbuebas. Audeo proinde dicere: Augustus Romam quam à Majoribus suis lateritiam acceperat, Posteris marmoream tantum reddidit; Tu ad maiores vocatus Infulas, Diœcesim auream, dicam etiam gemmeam, sudoribus Tuis effecisti. Incurrit fama hæc in totius Regni oculos, ideo repetitis vicibus Supremi quoque sui Tribunalis Arbitrum Te esse voluit. Implevisti Provinciæ hujus non Subsellium tantum, ut plures solent, sed dignitatem; tanta felicitate, ut oculos Areopago quos Antiquitas clauferat, aperuisse videreris. In manu Tua ita fata hominum, hoc est felicitatem nostram versabas, ut neque præcipitares causas, nec differres. Dabas quidem reorum excusationi spatium, sed non illam moram, qua crimina diu possent videri, Te Iudice, tuta esse. Nemo hæcenus à foro, nemo à curia, nemo à Tribunali discessit acerbior audita sententia, nisi aversus, nisi hostis, nisi tacitarum plenus irarum

*Potestas  
Iudiciaria*



rum minarumque. Tu ita pronuntiabas reos, ut prius se ipsi damnatos intelligerent, quàm audirent. Illa Tibi causa cordi fuit, quæ magis innocentia suâ resplendebat, quàm auro. Nimirum: Antiqui nobis Imaginem Iudicis referebas; servabas oculos, cum se præpotentes rei vellent respici, non æquitatem: Servabas manus, ne palpare tantum crimina vel munera. (Si, non hoc quoque majus crimen est.) Ad conspectum Tuum quævis erubescibat Dignitas, quævis expalluit conscientia. Omnia enim Sacra Tua, non Gratij litabantur, sed Themidis; non ex Gratiani fastis, sed ex Iustiniani codicibus decernebas. Fama fuit publica, à sole facilius posse impetrari ne luceat, quàm ne dignam ferres sententiam. Ipse tamen omnium Te metus amabat: nullus, etiam ex scelestissimis, ædes Tuas adiit, qui Tuam non celebraret, vel in ferendo suffragio æquitatem, vel in aperienda mente claritatem. Si quis enim priusquam subsellium Tribunalis conscenderes, iniquæ patrociniū causæ à Te postulabat, hoc Te unum præstare illi beneficium posse dicebas, quod cito negares. Et sic prævisa vulnera reddebas leviora, ut, etiam feriendo parceres. Quando sistebantur accusati, non abruptum Tua lingua, sermonem protrudebat, non oculus lento motu, quasi crimen aliquod ex reorum vultu legeret, severos aspectus evibrabat, neque adducto supercilio, minabaris terribile aliquid, quod nondum os protulisset, ab iniquis debere expectari; sed composita ad omnem clementiam fronte, ruentes erigebas, ne caderent, priusquam damnarentur. In immortale olim illibata Virtutis testimonium, æquissimis Iudiciis, ex ebore, vel Alabastro, statuae post fata, in foro, vel



*Legatio  
publica.*

Curia ponebantur. Vt palam esset: quanti suas facerent illi Virtutes. qui sic ornabant alienas, ut ipsa etiam saxa in venerationem cogerent, & memoriam. Non est, non est, quod expectes. PRÆSVL IVSTISSIME, candidiorem habes Statuam, hoc est, constantissimam Tuam in omni foro Innocentiam. Illud vero elogium Tuum humana penitus excedit pretia, quod Orientis fulmen, quod terror hostium, quod invidia sæculorum, nondum dixi omnia, quod Regum Numen IOANNES TERTIVS, ut Regiæ suæ, de componendo cum Christianis Principibus bello, Curæ, parem eventum haberent, Tecum in suprema illa ad Innocentium XI. Legatione, laborem suum, hoc est, generis humani felicitatem, partitus est. Ita enim Te SECRETARIVM hujus LEGATIONIS creaverat, ut quiescente Athlante, Herculis onus ferres. Quacunque demum via incedebas; cum Dux Radzivilius, Magnus Poloniarum Legatus diceretur, dubium tamen omnibus fuit, an non Tu esses? Diu non intelligebant, diu erudiri debuerant, ut Te Secretarium existimarent esse, non Legatum. VIENNAM AVSTRIÆ tanto splendore auxistis hospites, ut non belli suppetias contra Othomanum Legatio vestra poscere, sed spolia Orientis portare videretur. Plus tamen lucis habuit apparatus ille, ab Ornâtissima, Tua Suada, quâ Dux, armorum, quam linguarum gloriâ illustrior, Principibus, populisque in itinere illo loquebatur. Nam omnes tanta comitate, benevolentia tanta coluisti, ut plaris se æstimarent, cum à Te exirent, quam intraverunt. Cum responsa dares, nemo Delphica desiderabat oracula. O quot venientium? quot ex-

untium



untium querelis personasse, audivimus legimusque  
limina, eorum, quorum sermo conspectusque tantum  
non in totos differebatur dies: ut difficultate aditus,  
intenderetur veneratio. Tibi nulla unquam fuit in  
audiendo difficultas, nulla in absolvendo mora, qua-  
si unam illam habuisses curam, ut omnium expecta-  
tionem superares. Velocissimi fideris more, o-  
mnia SECRETARII puncta percurrerebas. Ne-  
mo excludebatur ab alloquio Tuo, nemo à conspe-  
ctu Legati, omnibus licuit soles intueri. Et si quan-  
do gravissima negotia Te sibi poscebant, Tu de illo-  
rum tantum commodis, qui ad Te veniebant, non  
de Tuis sollicitus esse videbaris. Neque ideo ab-  
rumpebas sermonem, neque oculos alio reflectebas,  
totum Te omnibus, totum singulis impendebas; Ex-  
pendebas sapientissime numeros omnes benevolen-  
tiæ, qui unicuique debebantur, ne quid excederes,  
vel detraheres. Omnes nihilominus, ita dimitte-  
bas, ut se ultra meritum crederent æstimatos. Cura-  
rum reverentiâ Tuarum, præcipitare interdum ser-  
monem volentibus, concedebas spatium, ultroque  
dabas causas moræ, ut secura esset verecundia. Ni-  
hil solitæ comitati confluentia undique negotia, ni-  
hil gravissima, quæ Te ubique circumlabant Pro-  
vinciæ momenta, detrahebant. Omnium hora-  
rum fuit humanitas Tua: Omni puncto, cœu numen  
quoddam aderas. Et mirari satis non poterant, quod  
haberes, quo omnes, toto licet tibi ævo ignotos, in  
conclavi detineres: Cum Principibus de Imperij fe-  
licitate, amplitudine, Successoribus, gloria, cum ar-  
morum Præfectis, de eventibus bellorum, cum Sa-  
crorum Antistitibus de Orthodoxæ Reipublicæ  
conservatione, cum Urbium Præsidibus, de earum



munitione, de fide erga suos Principes, cum eruditis, de varijs rerum eventibus, qui sæculis intereuntibus, iterum sæpiusque ad nos redeunt, loquebaris. Ne quis materiam citius, quam animum Te alloquendi, defuisse sibi queri posset. Et sic non vultus duntaxat illorum, qui Te fallere poterant, sed ultimam etiam mentem perspexisti, gaudebantque singuli, quod hac via non ad conclave tantum, sed ad iudicium quoque Tuum, quo, humana omnia transgrederis, penetrassent. Longe tamen adhuc erant à Te, quos felices Tuo faciebas alloquio. Ita enim comitatem illam temperabas Dignitate, ut fortunam suam, nonnisi Tuo beneficio metiri possent, tantumque illis eminebas, quantum gratiæ conferebas. Semper minor est, qui plus debet: quantum est illud, quod confertur, tantum quoque est accipientem inter & dantem, intervallum: accepta, non æquant nos beneficia, sed subiiciunt. Procul ergo eras ab ijs **ABBAS DIGNISSIME**, ad quorum alloquia, ita feliciter, ex humanitate Tua declinabas, ut supra solem & astra, extolli ab illis merereris. Complectar omnia: tanta dignitate in suprema illa in urbem Legatione secretarij munere fungebaris, ut Dux Sapientissimus, penes cuius Titulum, summa rei fuit, elegerit Patavy vitā excedere, ut Supremum Tibi quod pridem merebaris Theatrum, locumque primum, Romæ daret. Gravius illi fuit, Te secundum Videre, quàm mori; An sub tanti, quod Romam ferebat negotij mole, sucubuit? Quidquid sit, **PRÆSVL MERITISSIME**, Tui hæc quoque elogij materia est, illud Te curarum pondus ne sensisse quidem, sub quo Dux tantus cecidit. Dici quidem

initio



initio deliberaſti: non quod ſupra vires Tuas foret  
opus, ſed quod eventus rei, non à Tua penderet  
facultate; Te vero illo natura ornavit ingenio, ut ni-  
hil inchoatum velis, niſi quod perfectum. Idem  
apud Te eſt, polliceri, quod præſtare, prodire in  
arenam, & decurrere, collimare ad metam, & tene-  
re. Redibant ergo, ibantque à Te, ad Inviſtiſſimi  
noſtri Principis Aulam Literæ, quibus hanc, Divi-  
no Comitio tuæ curæ commiſſam deprecabaris, Pro-  
vinciam. Legebantur exarata calamo Tuo Nomi-  
na, quæ intercifum continuarent officium; ſed quo  
Te ingenioſius excuſabas, eo fortius ſvadebas, ne au-  
direris. Illa ipſa Tua de ſucceſſu eventumque rei  
ſolicitudo, publicæ ſecuritatis fuit argumentum,  
& fama communis, quod ea dexteritate, legatione  
fungi poſſes, quâ Regni totus votis obſiſtebas. Et  
pulchrum quidem Tibi fuit, debitos virtutibus Tu-  
is titulos deprecari, ſed Sapientiſſimo Regi pul-  
chrius, excuſationem Tuam non admittere. Cer-  
tabat feliciffime modeltia Tua, cum fortiſſimo de  
Te, Inviſtiſſimi Regis iudicio, Vinci tamen pare-  
rat ab eo. ornatiffimas quantumvis rationes Tuas,  
cui ipſe quoque oriens, jam bis ſucubuit. Innue-  
bas ſvaderi Aulæ, ut parem extincto daret Radzi-  
wilio, ſed ipſum quoque illud ferale ſaxum quod  
Ducem nobis oppreſſerat, clauſeratque, acuebât  
deſideria, vota que noſtra, vt non alium extra, Te  
haberet ſucceſſorem. Indignabamur tamdiu relu-  
ctanti diffidentia Tuæ; accuſabamus amoris in Pa-  
triam imbecillitatem, modeltia Tuæ conſtantiam,  
pertinacia appellabamus nomine, faciebatque, ut  
haberemus quod nobis in ſolida virtute Tua diſpli-  
ceret. Immo ideo parum aberat ut ſanctiſſimi quo-



que senatus nostri Præsules minorem Tibi humilitatem exoptarent. Erat qui tam diu obstinatum, votisque publicis tam diu renitentem Tuam mentem, admiratus, exclamaret: Boni superi quam arduus est, ad solidam virtutis expugnationem accessus. Hostem jam inclinare armis ad deditionem poteramus vel ruinam, prius quam apud hunc Præsulem euincamus, ut pro communis belli suppetijs, Legati officia non recuset. Victus ergo tandem, non tam precibus nostris, quam instantis procellæ periculo, temporisque augustijs quasi ad Thermopylas reductus, dedisti manus operi, non tam suscipiens titulos, quam non recusans Provinciam. Et tunc demum nobis, omnes, quas ex tristissimo Illustrissimi Legati nostri obitu conceperamus, lacrymas, absterfisti, leviorque jam nobis, tanta licet jactura videbatur, quod vices extincti, Anima faustissimæ legationis occuparet; sicut dolere non solemus solem occidentem, eo, quod redituum sciamus, nec de amissa gemma diu querimur, cum alia præsto sit, dignitati par, & Annulo. Ita nostræ quoque de te spei Abbas Sapientissime, minor non illudit eventus. Ita in conspectu PATRIS BEATISSIMI versatus es, ut nos beatos faceres, ita INNOCENTIVM XI. adiisti, ut ea facilitate omnia impetraveris, quæ solent concedere innocentes. Ne quid tibi in illa deesset dignitate, etiam interprete non egebas. Italicè Romano Capiti locutus es, hoc est, idem tibi cum SANCTISSIMO PATRE sermo fuit, eadem lingua, mens eadem, tantum non Sanctimonia. Sed parco iam verecundiæ tuæ. Tu vero Præsulum Tolerantissime, cave, ne prolixam hanc esse de tua excusatione narrationem meam dixeris, pace tua responde-



ponderem, diutiùs se Tua excusavit Modestia, quam ego narraverim.

Tot Pontificum, sive gratijs auctus, sive hono-<sup>Abdicatio</sup>  
ribus, tot Regum titulis illustris, tot Procerum suf-<sup>Titulorum</sup>  
fragijs ornatus, in Religiosissima sacri Cisterciensium  
Ordinis Vmbra, Te abdidisti, vt solem, lucemque  
publicam, quæ pulcherrimos etiam sæpe immutat  
vultus, & quantumvis integerrimos, quos in magnam  
spem, decusque alebat, aut delicias, sensim flores u-  
rit, declinares. Sed errasti: me hercule; clarius astra  
micant inter umbras, vberius in tenebris relucet I-  
GNATIVS. Et ideo, totam quam Patriæ Generi-  
que tuo collegeras gloriam, totum quem tuis meritis  
in omnium expectatione accenderas splendorem, In-  
stituto quod amplexus es, simul omnem infudisti, ut,  
non numero, Religiosorum Nominum fastos exten-  
deres, quibus addebaris, sed illustribus promeritis.  
Iturus ipse olim non in seriem tantum Annalium, sed  
in exempla Sæculorum, & absolutissimæ virtutis cal-  
car, Secuturis. Vnum tibi inter suprema pretia re-  
servasti, nesciri. Sed parce fiduciæ meæ: cum tanto  
studio, curaque, latebras meritorum tuorum diligen-  
tiùs quæreret, in oculos omnium incidisti, ipsasque  
nobis apperuisti vias, & umbras retexisti. Seque-  
batur Modestiam tuam, admiratione nostra, non  
passibus; longe enim à nobis, etiam cum Te tam  
profunde demittebas, distabas. Longum erat in-  
ter tuam dignitatem, & vota conatusque nostros  
intervallum. O quam diu cæteri luctamur! spes tan-  
tum non titulos relicturi. Quot, ipsi nobis negotia  
fingimus! in quot Scyllas, non incurrimus modo, sed  
involamus etiam, vt vel casu vota nostra frangamus!  
quot capita vocamus in consilium, vt vel vnum du-



bitet: securiusne sit, ab incæpto desistere, quàm sequi. Tu Antistes Religiosissime etiam tempora prævolare voluisti, ne minimo langvori dares spatium. Omnem penitus moram dedignabaris, æternitatem auspicatus. Contraria suadentibus; respondebas: diffidere sui operis Sanctitati; videtur ille, qui consilium de mora capit. Etiam ipsa deliberatio, dedecet animum Divina cogitantem: Nec palmari vacat culpa, de vanitate disceptare. Solus ergo in abdita illa, quæ tanta, maturitate delegeras, ivisti.

*Tyrocinii  
Religiosum*

Vna te Oblivio nostri, & æternitatis memoria, commitata est. Tituli, Honores, spes, suffragia, longè à tergo sequebantur. nec amplius ausa in tuæ virtutis oculos, limenque illud, quod tam Heroico pede transieras, impingere. Mærebat spretus Orbis; quem quantumque amisisset sæpius secum reputabat. Tu vero tanto tibi liberior videbaris, quanto plura deposueras. Nec erat quod jam amplius respicere, nisi ut sæpius displicerent, quæ semel damnaverās. Vnum tantum dolere auditus es, ex illis, quæ seculo eiusque profanis curis diligentissime sacra erant: Dies nimirum & Horas, quæ tot sudoribus effluxerant, tam sterile littus, tamdiu colentur. Non sine palmari tamen solatio, abibat dolor ille. Discebas enim ex jactura, quanto minoribus impensis, perennatura emi possint, quàm caduca. Hinc prima illa, & quia primâ, ideo gravissima solitudo, Tibi in

*In Paradisiensi Monasterio  
tam religiosam auspicatur.*

P A R A D I S V M transierat. Cum hoc discrimine: quod ibi nec malum videres, nec audires serpentem. Primus tamen in illo cætu Homodici poteras, vel ideo quod cum Tyronem Te Sacræ Religionis appellabas, Virtutem præferres veteranam Absolutissimæ scholæ perfectionis Eruditoribus Tuis fuisti

cum



cum Te vellet instruere, ne suo non fungerentur officio, ex te ipso, exemplum illius quam tradebant doctrinae capiebant. Tu vero tanto altius eminebas, quanto humilior ipse de Te formabas iudicium. Ita Te ornabas ut qui scire vellet, interrogandum illi erat: num Tu Abbas esses: non ex comitatu, qui praeter modestiam singularem, orisque Dignitatem, nullus tunc erat; non ex candidiore, subtilioreque Toga vel torque aureo; sed ex morum, gravitate nosci voluisti. Vidisse Te, urgeri fuit ad Virtutem. Nullum inter Te aliosque Novitios discrimen erat, nisi ingens Veneratio, quae te ubique sequebatur. Etiam Crucem Pontificiam ex oculis tantisper moveras, verebarisque illam ferre, quod esset aurea. Nihil proinde in Te vidimus grave, praeter minimarum etiam nostrarum curam. In hoc vno innocentia Tua felicissime errabat, quod Tyro ruborem Veteranis eliceret, exemplo Virtutis. Antiqui dierum Aesones tuo repuerascebant in conspectu, discebant ex te leges suas, & sancta. Difficillima quoque, exacte observari posse, religiosissimis moribus tuis docuisti. mensa tibi communis fuit cum alijs, sed non usus. Saepè nihil consumebas, praeter tempus, saepè nihil praeter tui Victoriam, inter epulas delibabas. Ille vnus ad gustum fuit, ille palato praecipue arridebat cibus, qui humilior, qui se tibi sinceritate sua commendabat, non condimentis. Si vel indignaris, vel rides, vel negas vera esse, haec quae narro Praesul meritissime; non in calumum meum, sed in virtutem tuam tela verte, quae tot habet decora, ut illa quantum vis velit, servare, non possit; etiam inter umbras emicat. Non solum ergo, Nomen, Doctissimae Sanctissimaeque huic Rei publicae dedisti, non solus venisti in numerum. Lon-



ge plura Sacro Ordini intulisti, quàm Sæculo reliqueris. Tu ipse, quem dedisti, multiplex variusque mihi es: in Conclavi Ambrosius, in Cathedra Chrysosthomus, Ad aras Gregorius, Cyneas in Legationibus. in Aula Parmenio, Nestor in Comitijs, in Epistolis Hieronymus, in acumine Chrysologus, in Eloquentiæ Svavitate Bernardus, hoc est, vbique I. GNATIVS, vbique GNINSKI. Nimirum in vno Te, tot simul donasti, quot exprimis ingenio, moribusque. Tot nominibus, titulisque Sacrum Ordinem illustrasti, quot illius causa sprevisisti, tot illum auxisti honoribus, quot, parem animum attulisti. Tot habes merita, vt tota tibi Coronovia abeat in coronam, Tu in gemmam, tanto cariore quo rariorem. Rarum enim decus est: prius meruisse Insulas, quàm habere, rara felicitas, prius dignitatem, omnium iudicijs, omnium suffragijs, omnium expectatione possidere, quam adeas: rara vis Virtutis, quæ tantum vni conciliet, quantum Tibi.

Ingredere jam fortunatus Hospes, novas Pontificio accessu, sed meritis, suffragys, votisque omnium, pridem Tuas. Submitte maioribus Mitris debitum, Coronoviensi Insulæ caput; ut capiat Polonus Orbis documentum, quam impar sit tantæ capacitati, hæc Tiara. Colligat sacra hæc Tenia eruditæ frontis tuæ sudores, quos in publicos vsus messesque effudisti. Admitte Pontificium scipionem, ut, illo magnas imprimis spes, deinde felicitatem nostram erigas, fulciasque. Satis iam violentiæ publicæ expectationi, satis meritis tuis illatum est. Redde nobis vnus extincta tot Abbatum Nomina, redde virtutes, redde tam longæ orbitati solatia, redde sæculo tuo exempla immortalia. Redeat ad Caput, cætus hic Religiosi.



giosissimus, qui iam pæne extra se abierat, gravissi-  
mo absentiaæ tuæ tædio deturbatus. Redeat suus do-  
mestico splendori Ordo, Aris majestas redeat, rede-  
at Gemma ad Coronam. Præsta, vt minus iam ho-  
die, Antecessores tui lugeantur. Expectat Te Bre-  
da: & non tam in ripas, quam in gaudia effunditur.  
Expectat veneranda ævo Basilica, & pæne Vetu-  
statis suæ oblita reflorescit, collectoque sensim spiri-  
tu, apertis anhela portis, suspirat hospitem. Expe-  
ctat magis Dignitate Tua, quam suis superba mon-  
tibus Coronovia. Erigit se, profertque supra Alpes,  
supra Apenninum, supra Oethæa Culmina, quæ  
Herculeos cineres collegerunt, supra Peruana juga,  
quæ auro tument; postquam tam pretiosum imponi  
sibi videt Antistitem. Ingredere: amicæ Tibi

*Coronovia  
desideria,*

Viam sternunt ROSÆ, nullas pro Te

asperitates recusant: quia spinas amant,

Omnem Cultum, vbertatemque

tibi pollicentur VOMERES

non ad sterile littus nati, sed ad

messem. Post tot curarum

excubias, respira tantis-

per Philippe; Vigila-

bit pro Te

ANTIPATER.

*Arma Gen-  
tilitia Ad-  
ministrato-  
ris Abbatie*





Government  
of Scotland

MS. C. 12  
1111. 12  
1111. 12  
1111. 12



UNIVERSITY OF GLASGOW

UNIVERSITY OF GLASGOW

XX. 2. 5.







